

ILUARSIISSUT

Saqqummiussissut 19. august 2021-meersoq taarserpaa.
(Atuutilerfissaa pillugu ilisimatitsissutit allannguutigineqarput)

**Uunga siunnersuutit: Peqqinnissaqarfiup iluani napparsimasut
maalaaruteqarsinnaanerata taarsiiffigineqarsinnaanerallu pillugit Inatsisartut Inatsisaat**
(Peqqissutsimut Naalakkersuisoq)

Saqqummiussissut
(Peqqissutsimut Naalakkersuisoq)

Siullermeerneqarnera

Naalakkersuisut sinnerlugit matumuuna peqqinnissaqarfiup iluani napparsimasut maalaaruteqarsinnaanerata taarsiiffigineqarsinnaanerallu pillugit Inatsisartut inatsisissaattut siunnersuut saqqummiutissavara.

Ullumikkut allaffissornikkut maalaaruteqarsinnaanermut taarsiivigineqarsinnaanermullu peruserineqartoq oqimaatsuvoq, amerlanertigullu suliap suliarinerata aallartinneraniit suliame aalajangiisoqarnissaata tungaanut ukiut amerlasuut atorneqartarput. Tamanna innuttatsinnut naammaginangilluinnartuuvoq, pineqartummi suliame taamaattuni suliap ersarissumik sukkasuumillu suliareneqartarnissaannik pisariaqartitsipput.

Inatsisartut Inatsisaat maalaaruteqarnermut taarsiiffigitittarnermullu atortumik nutaamik pisariitsumillu atugaqalernerne kinguneqassaaq, tamannalu suliame suliarinnittarnerup qitiusumiit ingerlanneqalerneranik, taamaalillunilu sukkanerusumik ingerlatsisoqalerneranik, kinguneqassaaq. Taassumalu saniatigut innuttaasumik suliap ingerlarnganik ajornannginnermik oqaloqatiginneq pilersinneqassalluni.

Pingaaruteqartorlu alla tassaavoq peqqinnissaqarfiup pitsaassutsimik pitsanngorsaaniarneranut maalaaruteqartarnermut taasiissuteqartarnermullu peruserineqartumiit ilisimasanik atuisinnaalernissaa, ullumikkummi tamanna killeqartuinnarmik pisinnaammat.

Taamatut oqaaseqarlunga siunnersuut Inatsisartuni akuersaartumik oqallisigisassanngortippara.